



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Johannis Strauchi[i] Jcti Amoenitatum Juris Canonici  
Semestria duo**

**Strauch, Johann**

**Jenae, 1675**

Cap. XVI. Ad c. 16. & 17. de Elect.

**urn:nbn:de:hbz:466:1-10224**

mentis III. & Alexandri. Sub Gregorio X. in concilio Lugdunensi generali hoc nostrum capitulum 6. confirmatum est, forma- que conclavis introducta, & electionis solennia definita *canone Conclave primo dicti concilii, unde petitum est c. 3. de Elect. in 6. Quod ca-* quando in-  
put 3. per *cap. 2. de Election. in Clementinis iterum fuit declaratum: troductum.*  
Posteriores enim Pontifices sensim recesserant ab observatione Gregorianæ legis. Vide Onuphrium ad vitas Gregorii X. Johannis XXI. & Clementis V. Junge Johannem Andreæ ad *c. 3. de Elect. in 6.*

## CAP. XVI.

## Ad c. 16. &amp; 17. de Elect.

## S U M M A R I A.

1. Species facti.

3. Pennensis Episcop.

2. Monasterium Scaffhusense.

**H**Oc caput petitum est *ex cap. i. h. 1. collectionis III. & ex- stat apud Innocentium lib. 2. Epist. 30. Species hæc est: Va-* vacante Abbazia Schaffhusensi, electus est Abbas R. senior. *Species*  
Electioni sese opposuerunt R. Junior & Monachorum *a-* facti.  
lii. A sede Apostolicâ R. senior coactus est transigere & Abbatiam relinquere, custodiâ & prioratu à Cælestino III. ad vitam accepto. Sed adversariis transactioni minimè stantibus ad sedem Apostolicam appellavit, interim Legatus sedis apostolicæ monachos suspendit & monasterium sacris interdixit. Ipsi vero suspensi à sacris non abstinuerunt, ideo ne ad electionem Abbatis procederent post appellationem interpositam R. Junior in Abbatem electus, ab Episcopo diocesano benedicitur. Re ad Innocentium III. delatâ, qui Cælestino proximus successit, R. senior electionem R. Junioris rescindi petebat, Pontifex decrevit appellationem à R. seniore non jure interpositam. Monasterium sancti Salvatoris Schaffhusense est ordinis Benedictini in Episcopatu Constantien-  
si, quod à Burchardo Comite Nollunburgensi conditum tradit Jo-  
achim Vadianus *lib. 2. de veteribus monast. Germania.* Ejusdem *Monasterii*  
meminit Bertoldus Constantiensis ad annum MLXXXIII, & no-  
vissimè Gabriel Bucellinus in Chronologiâ Constantiensi ad an-  
num 1083. Inscriptio capitis hujus est: *Abbatibus de Cellâ S. Petri &*

Mutinesibus alias Nutriensibus Abbatibus. Additur in 3. compilatione, & preposito Vercellensi.

Pennensis  
Episcop.

Cap. 17. inscribitur Pennensi Episcopo. Penna vel Pinna, *Citta di Penna*, urbs est Episcopalis Vestinorum in Aprutio antiquâ gentis Farnesiæ. Hic Episcopatus unitus est Atriensi, sub Archiepiscopo Theathino regni Neapolitani.

## CAP. XVII.

### Ad c. 18. & 19. X. de Elect.

#### S U M M A R I A.

- |   |   |
|---|---|
| 1. Cap. 18. & 19. agit de electione<br>Metrop. Capuensis. | 4. Explicatur capitulum.                                |
| 2. Emendatio inscription.                                 | 5. Vice Regiâ, quid.                                    |
| 3. Electio inter tres menses faci-<br>cienda.             | 6. Innocent. III. tutor testamentarius<br>Friderici II. |

Cap. 18. &  
19. agit de e-  
lectione  
Metrop. Ca-  
puensis.  
Emenda-  
tio inscri-  
ption.  
Electio in-  
tra tres  
menses fa-  
cienda.  
Explicatur  
capitulum.

**C**ap. 18. desumptum est, ex c. 3. eod. tit. in 3. Compilatione. Scriptum ad Capitulum Capuanum: Conjungendum autem est cum capite sequenti petito ex eadem compilatione, c. 4. Utrumque enim pertinet ad electionem Metropolitanam Capuensis. Emendanda itaque inscriptio cap. 19. & pro Archiepiscopo, scribendum Archidiacono. Archiepiscopus enim nullus tum erat, quippe mortuus apud Panormum & agebatur de alterius electione. Quæ electio fieri debet intra tres menses ex concilio Chalcedonensi *can. 25. can. quamvis dist. LXXV.* Sed potest tamen id tempus arctari à Capitulo & absentibus brevior terminus præfigi. In hoc igitur capite nostro à Capitulo Capuano non amplior terminus quàm duoecim dierum datur absentibus, ad Electionem perveniendi causâ, quod probat Pontifex hac ratione, quod terminus trium mensium constitutus sit favore Capituli, cui, tanquam juri pro se introducto, liceat renunciare, maximè si periculum sit in morâ, neque etiam vocandi sunt, qui Episcopi obitum præsentialiter cognoverunt, ut loquitur Innocentius in nostro cap. id est, illi qui præsentibus fuerunt tempore morientis. Episcopi non debent vocari. Neque enim certiorari debet, ut loquuntur nostrates *l. 1. fin. ff. de Act. Em.* qui non ignoravit.

Et